



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 33. Albæ Dux bellum contra Papam finire a Venetis rogatus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. XXXIII.

Sæcul XVI.
A C. 1556.*Albæ Dux bellum contra Papam finire a Venetis rogatus.*

Cum interea deliberaretur, Senatus Venetus Phæbum Capellam Legatum ad Albanum mittit, publicoque nomine rogat, ut Pontificiam ditionem, quam ex foedere, & laudabili instituto Majores sui exteris armis peti nunquam passi essent, bello infestare desineret. Ad ea ab Albano responsum: belli initium a Pontifice factum, cum injuriose Columnios habuisset, quibus tamen utpote clientibus suis Cæsar, & Angliæ Rex in tam justa caussa, & tali tempore deesse non possent: quapropter Albæ Dux bellum eodem furore prosequeretur, ac Palumbaram expugnabat, ubi immani crudelitate, omnisque generis militari licentia sævitum est. Postea Dux positus Tusculi castris per Cryptam Ferratam, ac Marinum exercitui hospitium distribuerat, ubi ex vicinis locis, ac Tibure præcipue quotidie annona importabatur, nullo plerumque comitante milite.

Sub idem tempus Pontifex duorum Belliducum ceteris fortitudine præstantium jacturam deplorabat; quippe Rangonius Comes in insidias a Popoli Comite structas incidens captus est, Bartholo-

Thuan. l. 17.

p. 528.

Pallav. l. 13.

c. 20. n. 13.

Sæcul. XVI tholomæus vero Montius, cum incau-
A.C. 1556. tius copias, quibus præerat, duceret, a
 trecentis Equitibus circumdatus, cum
 ejus miles passim auffugeret, amissis e-
 tiam omnibus impedimentis pariter ca-
 piebatur. Eo casu ultra modum con-
 sternatis Pontificiorum animis, atque i-
 pso Pontifice inprimis, omnes sic judi-
 cabant, fore, ut Albanus victoria usus
 recta Romam cum toto exercitu tende-
 ret, qua potiturus haud dubie credeba-
 tur: ast hic nonnisi inanis erat Roma-
 norum timor; quippe Dux duntaxat de
 Ostia expugnanda consilium cepit;
 quippe hac ratione Pontificem, ante-
 quam auxiliares copiæ e Gallia adveni-
 rent, ad pacem æquis conditionibus fa-
 ciendam statuit adigere.

§. XXXIV.

*Ostia ab Albæ Duce obsessa,
 captaque.*

*Thuc. p. 526.
 Pallav. l. 23.
 c. 20. n. 3.*

Die quarta Novembris Albanus Dux
 exercitum suum recensebat, tertio
 autem post die Ascanius Corneus Por-
 cilianum, & Ardeam suis subjecit armis,
 hacque ratione annonæ, quæ Neptuno,
 & Marino advehebatur, viam aperuit.
 Equidem Caraffa Cardinalis Sommæ
 Ducem, mox eo decernebat, ut locum
 hosti adeo commodum eriperet; ast irri-
 ta erant, illius molimina; unde navium
 ponte